

مفاتيح الرزق " 70 " | اسم الله الفتاح | الحلقة (11) |

#إننا_فتحنا_لك | د . حازم شومان

حازم شومان

فتحنا مبينا ليس فيه تعسرا اسماؤه الحسنى السلام عليكم ورحمة الله وبركاته. اخواني واخواتي في الله وصلنا للمحطة السابعة في سلسلة مفاتيح الرزق وفي الكلام عن قد ايه ربنا ادانا مفاتيح. لتوسيع الرزق وزيادة الدخل وكفاية الاحتياجات. ومواجهة الاحتياجات المادية - 00:00:00

الرهبية في هذه الدنيا قضية مهمة اوي وشاغلة ناس كثير اوي ياما ناس جالها اكتئاب بسبب قضية الرزق ياما ناس انتحرت بسبب قضية الرزق رغم ان قضية الرزق اكثر قضية تصل بالله سبحانه وتعالى والانسان اللي بيتصل بالله فعلا بيجد ان اسهل دعاء يطلبه من ربنا هو دعاء الرزق. نسأل الله ان يوسع - 00:00:30

ارزاقنا اللهم امين. آآ لسة لنا خمس مفاتيح من مفاتيح الرزق هنخلصهم المرة دي بازن الله سبحانه وتعالى. عشان المرة الجاية انا عايز اجيب لكم المفاتيح كلها ان شاء الله بازن الله المفاتيح كلها نراجع عليها مع بعض عشان الموضوع ده من اخطر مواضيع حياتنا يا جماعة. ده يعني استقرارك الديوي بيترتب عليه حاجات كثير - 00:00:50

جدا في دينك. فموضوع الرزق بيترتب عليه حاجات كمان في اخرتك. لساننا خمسة بازن الله. المفتاح الاول في هذه الحلقة اه ترك المال الحرام هل الحرام ده مصيبة! المال الحرام ده اول ما بيدخل في اي مال بيمحق البركة بتاعته. المال الحرام ده لما نقطة دم حرام بتدخل في كبد انسان - 00:01:10

ما بتطلعش وهو سليم. لما بتدخل في جسم طفل ما المال الحرام ده حاجة كارسة والعياذ بالله. عشان كده المال الحرام ده كارت احمر. كارت احمر بيمنع اجابة الدعاء كما قال النبي صلى الله عليه وسلم آآ ثم ذكر الرجل يطيل السفر ومطعمه حرام وملبسه - 00:01:30

وغذي بالحرام فانى يستجاب له؟ هيستجاب له ازاى؟ اذا كان كل حاجته في حياته حرام ويجي يقول يا رب ويقول ربنا ما بيستجيبش لي ليه؟ هو واكل ورد واكل ورس اخته. اكل مال يتيم. بياخد رشوة في الشغل بتاعه. بيتعامل بالربا. بياخد حاجات حرام. التجارة بتاعته نفسها. بيتاجر في حاجات - 00:01:50

كارت حرام كارت احمر كارت احمر والعياذ بالله لخير الدنيا ولخير الآخرة كمان كما قال النبي صلى الله عليه وسلم كل لحم نبت من الحرام فالنار اولى به. النار اولى به. يعني يعني كمان الجنة تحرم عليه. يعني مش رزق الدنيا بس يقل. بسبب المال الحرام ورزق - 00:02:10

الآخرة كمان اللي هي الجنة. فالنار اولى به. المال الحرام ده كارت احمر. قبول العمل بيرفض بسبب المال الحرام. عشان كده النبي عليه الصلاة والسلام كان يدعي قل اللهم اني اسألك علما نافعا ها ورزقا طيبا وعملا متقبلا. ليه قبل ما يقول عمل متقبل؟ اقبل عملي؟ كان يقول رزقا طيبا رزقا - 00:02:30

حلال لان لو الطاقة اللي انت عملت بها الاعمال طاقة حرام ربنا يستجيب العمل ازاى. انا قمت الليل بس الاكل اللي اتعشيت به اكل حرام الطاقة اللي قمت بها الليل طاقة حرام. فالنبي طلب من الله الرزق الحلال قبل ما يطلب من الله. قبول الاعمال. بيمنع اجابة الدعاء - 00:02:50

بيمنع قبول الاعمال بيقبل الرزق بتاع الدنيا بيمنع الرزق بتاع الآخرة كارت احمر والعياذ بالله. الشيخ الشعراوي له قصة لا انساها ابدا كان يعني زمان بقى اوي يعني وهو في شبابه ومتعين مدرس في مدرسة وكان له واحد زميله بيقول بيشتكي على طول من ضيق الرزق وانه مش مكفي احتياجات عياله - [00:03:10](#)

وان الدنيا بقت غالية فبيقول مرة الشيخ الشعراوي يعني زميله دوا مروح لا بياخد دفاتر واقلام وورق من بتاع الحكومة فبيقول له انت بتاخذ ده ليه ؟ قال له ولادي - [00:03:31](#)

هيزاكروا في ايه ويكتبوا في المدارس في ايه فانا باخد ده قالوا بالزات حرام ده مال عام. والمال العام اشد حرمة من المال الخاص. اللي بيسرق بينشل محفظة واحد ده سرق - [00:03:41](#)

بني ادم انما اللي بيسرق مال عام ده سرق مية مليون بني ادم. هيلقي ميت مليون بني ادم مستنيينه على القنطرة يوم القيامة. فدي مصيبة المال العام ده مال عام ازاي تسرقه ؟ فقال له لا اسرقه ازاي ؟ ومين قال ان هو حرام المهم فبعد فترة لقي الشيخ الشعراوي بيقول لأ الراجل جاي له صاحبه المدرس وفرحان جدا بيقول - [00:03:51](#)

يا اخي انا انا كلامك اثر في ما انتش عارفة الكلمة الطيبة اللي هتقولها. وكلمة الدعوة الى الله اللي انت هتقولها هتجيب نتيجة امتي ؟ بذرة بترميها. وربنا اللي فيها ويخليها شجرة. الم تر كيف ضرب الله مثلا كلمة طيبة كشجرة. الكلمة الطيبة دي بزرع بقت شجرة طيبة ازاي ؟ ربنا بيرعاها. فبيقول للشيخ - [00:04:11](#)

انا انا فعلا قررت اسيب الورق الحكومي والاقلام الحكومية والدفاتر الحكومية ومن يوم ما بطلت امد ايدي على المال العام ده وانا ربنا بقى عندي بركة غريبة في بيتي وبركة غريبة في اكلي. وبركة غريبة في المرتب بتاعي. المال الحرام ربنا بيمحك بالبركة. عشان كده ليه الوقت البركة - [00:04:31](#)

خرجت ولم تعد لان كثير من الناس دلوقتي للأسف الشديد بقى عايش على المال الحرام سيدنا علي بن ابي طالب دخل مسجد من المساجد في العراق فالفرج بتاعه هيسيبه فين ؟ فاستأمن طفل قال له آ غلام كده قال له امسك الخطام بتاع الفرس الحبل بتاع الفرس عم بس اصلي واخرج. فالغلام - [00:04:51](#)

قال له ماشي فسيدنا علي ابن ابي طالب دخل صلى خارج لقي وقام حاطط دينار دينار ذهب يعني حوالي الفين جنيه. مبلغ بقى سيدنا علي بن ابي طالب فقام حاطط دينار ذهب - [00:05:11](#)

عشان ايه يديه للغلام جزاء امانته. خارج ما لقاش الغلام ولا لقي الخطام بتاع الفرس الحبل ولقي الفرس واقف لوحده. الغلام سرق الخطام وهرب سرق الحبل وهرب والحبل ده يساوي زي الوقت كده اللي قطاعين الطرق اللي بيسرقوا السلبة بتاعة العربيات الربع نقل. وبعد كده بتاع العربية بقى يجري يدور عليه ويساومه - [00:05:21](#)

وبقى تجيب لي تلتमित جنيه واديه لك يعني الحاجات دي لها قيمة. فسيدنا علي بن ابي طالب بعث واحد قال له اذهب الى السوق واشتري لي خطام للفرس راح جاب له نفس الخطاب بتاعه. قال له اشتريته بكام ؟ قال له اشتريته بدينار. سيدنا علي ابن ابي طالب قال كلمة خطيرة. قال اردت ان اعطيه الدينار في الحلال - [00:05:43](#)

فابى الا ان يأخذه في الحرام. الغلام راح يبيع الخطام في في السوق فسيدنا علي بن ابي طالب بعث. فقام بايع للي سيدنا علي بن ابي طالب باعته وباعه بالدينار. الدينار اللي كان هياخده اصلا جزاء امانته. في الحلال خده في الحرام والعياذ بالله. عشان كده بتأسر في قوي قول الله سبحانه وتعالى - [00:06:03](#)

آآ تأتيهم واسألهم عن القرية التي كانت حاضرة البحر زي اسكندرية كده بلد على البحر وحضارة وربنا فتح في الرزق واسألهم عن القرية التي كانت حاضرة البحر. اذ تأتيهم حيتانهم يوم سبتهم شرعا. ويوم لا يسبتون لا تأتيهم - [00:06:23](#)

آآ هم حطوا الشبك يوم الجمعة اصطاد يوم السبت شالوا الشبك يوم الحد. فهم اصطادوا يوم السبت ولكن هم بيتحايلوا على الله فربنا بيقول استأتين مش استأتيتهم الحيتان يوم سبت اذ تأتيهم حيتانهم. حيتانهم يعني ايه ؟ ده بتاعتهم - [00:06:43](#)

لو كانوا صبروا عنها في الحرام كانت جات لهم في الحلال. اوعى تفكر انك لما خدت فلوس حرام انت خدتها من ربنا غصب عنه

سبحانه وتعالى. اوعى تفكر انه ربنا ان فيه حد هياخذ حاجة مش رزقه. فاللي خده صاحب المال الحرام ده كان رزقه لو كان استنى
كان خده في الحلال شفته استأثيم - [00:07:00](#)

حيطانهم هي بتاعتهم. قال لها امال بقت حرام ليه لانه خدها بطريقة حرام؟ لو كان صبر كان ربنا اداها لهم واداهم الاكثر منها كمان
في الحلال. سبحان الله العظيم يبقى اول حاجة يا جماعة ترك المال الحرام. من ترك شيئا لله عوضه الله خيرا منه. ومن يتق الله يا
شباب ومن يتق الله يجعل - [00:07:20](#)

له مخرجا ويرزقه من حيث لا يحتسب. اللي هيتقي الله انه يسبب الشغلانات الحرام اللي بتتعرض عليه. تلاقي شاب واقف في
الشارع وببييع سجائر. يا ابني حرام يا حبيبي حبيبي ده انت ده انت ما لك ده على حساب ان ناس يجي لها سرطان. وحاجة حرام
انت ازاى تقبل ده على نفسك؟ تلاقي واحد صاحب سوپر ماركت اللهم بارك بيكسب له كذا الف في - [00:07:40](#)

وتلاقي عامل ركن سجائر بتدخل الحرام في مالك ليه؟ نقطة دم حرام واحدة تدخل جسمك ولا جسم. حد من حبايبك مش هتخرج
وهو سليم تلوث المال الحلال بالحرام والعياذ بالله؟ وليه تستعجل على اللي ربنا هيده لك في الحلال وتأخذه بالحرام؟ يبقى ده
المفتاح الاول مفتاح ترك المال - [00:08:00](#)

حرام المفتاح الثاني النهاردة مفتاح السعي. ياه! السعي ايوة يا جماعة. كل المفاتيح اللي انا قلتها في السبع حلقات اللي هي منهم دي
واللي كل المفاتيح اللي انا قلتها كلها معها السعي. اوعى تفكر انك هتصلي على الرسول عليه الصلاة والسلام - [00:08:20](#)

وتقعد في بيتك ما تسعاش. لو في ايدك اسباب لازم تأخدها. يا جماعة اكثر واحد اخذ بالاسباب في الدنيا هو النبي عليه الصلاة
والسلام. ودي نقطة انا عايز نصلح مفاهيمنا فيها - [00:08:38](#)

كملتزمين وكملتزمات يا جماعة السعي. يا اخوانا الشغل الشغل ده شرف. الشغل ده من اسباب رزق الله للعبد. ان ربنا يرضى عنك انك
تشتغل النبي عليه الصلاة والسلام كان اكثر واحد في الدنيا بياخذ بالاسباب. في غزوة احد الصحابة كلهم كانوا لابسين درع واحد.
النبي عليه الصلاة والسلام ظاهر بين درعين كان لابس زرعين - [00:08:48](#)

ليه هو النبي كان خايف على نفسه يموت؟ لأ ده لما كل الجيش فر النبي هو الوحيد اللي فضل عليه الصلاة والسلام. والرسول يدعوكم
في اخراكم كله بيجري والنبي في مؤخرة الجيش بيقول لهم تعالوا ارجعوا للجنة ارجعوا في سبيل الله. فالنبي عليه الصلاة والسلام
مش خوف. ولكن النبي علمنا الاخذ بالاسباب عليه الصلاة والسلام. ده النبي ربط - [00:09:08](#)

البراق في الحلقة اللي كان بيربط فيها الانبياء الدواب بتاعتهم في بيت المقدس النبي عليه الصلاة والسلام ربط البراق اللي هو معجزة
اصلا من ربنا. شفتهم النبي في الهجرة عمل ايه - [00:09:28](#)

واخذ بالاسباب قد ايه عليه الصلاة والسلام. واللي يخفي الاسار ورا اقدام النبي عليه الصلاة والسلام. والسيدة اسماء حامل ما حدش
هيشك فيها. حامل في الشهر التاسع. هي اللي توصل - [00:09:41](#)

الاكل وواحد خريج هو اللي يقول للنبي عليه الصلاة والسلام الطريق والنبي خد طريق للهجرة عكس الطريق المأهول تماما والنبي
يمشي للجنوب. بدل ما يمشي للشمال ويقعد في الغار ثلاث تيام اما يقولوا خلاص ان هو سبق للشمال النبي عليه الصلاة والسلام خد
باسباب رهبة. وخرج في وقت الزاهرة اللي ما حدش - [00:09:51](#)

ان حد يسافر فيه ابدًا وخرج من غير دابة في اول السفر عشان ما حدش يقول ان هو ماشي رايح مشوار. النبي عليه الصلاة والسلام
يا جماعة خد باسباب رهبة - [00:10:08](#)

في الهجرة عليه الصلاة والسلام ولما السراقة بقى قدر رمحين من النبي عليه الصلاة والسلام النبي قال اللهم اكفناه بما شئت قلبه
متعلق بالله. النبي عليه الصلاة والسلام وهو داخل فتح مكة كان ضمن الكاتبة الخضراء اللي هي كاتبة المهاجرين والانصار. اعلن ناس
توكل وكانوا متطرسين بالحديد. من مفرق رأسهم حتى اخمص قدميهم - [00:10:18](#)

لا يظهر الا اعينهم. النبي عليه الصلاة والسلام علمنا ان كل ما توكلك يزيد كل ما تأخذ بالاسباب. الايمان والتوكل لا يتنافى مع الاخذ
بالاسباب. اشتغل اسعى امش في مناكب - [00:10:38](#)

وكلوا من رزقه امشوا وكلوا ربنا ربط السعي بالرزق من عند الله سبحانه وتعالى. عشان كده حتى الحديس اللي ختمت به الحلقة اللي فاتت الحلقة الساتة وانا باكلكم عن التوكل هو نفسه دليل على السعي. لو انكم تتوكلون على الله حق توكله. لرزقكم كما يرزق الطير اهو - [00:10:48](#)

يبقى توكل وبس. استنى تغدو خماسة وتروح بطانا. كلمة تغدو وتروح. يعني بتتحرك. يعني بتسعى على رزقها. ايوة ربنا ميسر لها كل حاجة بس هي بتروح وبتيجي. يعني بتسعى على رزقها وبتتحرك عشان رزقها - [00:11:08](#)
احد يعني الشباب آآ آآ ايام السلف يعني كان قعد في الجامع يعبد ربنا بس وخلاص فشيخه اتضايق منه ليه ما بيخرجش يشتغل فقال له يا شيخى لقد رأيت اية من آيات الله. قال له مازا رأيت؟ شفت ايه؟ قال له رأيت غراب اعمى. غراب اعمى. لا يرى فقل - [00:11:23](#)

يهلك لانه لا يستطيع ان يأكل او ان يبس عن معاشه. فوجدت غرابا مبصرا يأتي بالطعام في فمه ليطعم الغراب الاعمى. سبحان الله سبحان الله! شفت الغراب الاعمى ربنا بعث له اللي يأكله شيخه قال له حنة كلمة. قال له يا بني ولما رضيت ان - [00:11:43](#)
انت الاعمى. طب ما تبقى الغراب المنصر. اللي يأكل اللحم. ليه تبقى انت الغراب الاعمى اللي مستنى حد يبجي يأكله؟ ولما رضيت ان تكون انت الاعمى؟ كلمة جبارة للي يفهم عشان كده سيدنا عبدالرحمن بن عوف لما هاجر للمدينة المنورة رضي الله عنه وارضاه. فالنبي اخى بينه وبين اغنى واحد في المدينة مالتى مليونير - [00:12:03](#)
اسمه سعد ابن الربيع الانصاري رضي الله عنه وارضاه. فسعد بن ربيعة قال له اقسم ما لي بيني وبينك. انا عندي عشرة مليون خد خمسة مليون ولا خمسة مليون تبقى مليونير في لحزة. اقسم - [00:12:23](#)
وبيتكلم بجد مش بيهزر. انا عندي عشر فدادين خد خمس فدادين وانا خمس فدادين. عندي بيتين خد بيت وانا بيت عندي عشر عبيد خد خمس عبيط وانا خمس عبيط. اقسم ما لي - [00:12:33](#)

وبينك فقال بارك الله لك في مالك ولكن دلني على سوق المدينة. شف الكلام الجميل. شف فكر الصحابة في حياة النبي عليه الصلاة والسلام. راح السوق وكسب وبقى اغنى من سعد ابن ربيع الانصاري وبقى ملط مليونير. ما رضاش انه يبقى الغراب الاعمى. ما يرضاش ان هو اللي يفضل قاعد مكانه وغيره وهو اللي يصرف عليه. يبقى لازم تشتغل - [00:12:43](#)
لازم نشتغل ما قعدتك على القهوة انت بقى لك كم سنة قاعد على القهوة ولو قعدت عشر سنين كمان على القهوة ما فيش حاجة من مشاكل حياتك هتتحل. شباب الوقتي ملايين قاعدين على القهاوي - [00:13:03](#)

مستنيين باب السما يتفتح ويقع عليهم عقد عمل او فرصة هجرة بدون اي اسباب وبدون سعي اسعى يا ابني على رزقك اسعى ان الله يساعد الذين يساعدون انفسهم كما قال حبيب الله محمد عليه الصلاة والسلام في حديث باحبه اوي الحديث ده يا جماعة. باحبه وباحس ان هو من الحديس اللي بتنور للامة كلها. الطريق والتوازن - [00:13:13](#)
في الحقيقة قال رسول الله صلى الله عليه وسلم المؤمن القوي قوي اللي جسمه قوي اللي دخله قوي اللي ومهنته في مهنته قوي اللي في سعيه قوي المؤمن القوي خير واحب الى الله من المؤمن الضعيف - [00:13:33](#)
اللي قاعد يقول اجيب منين واعمل ايه؟ قليل الحيلة فالنبي عليه الصلاة والسلام طب ابقى مؤمن وفي كل خير فالنبي عليه الصلاة والسلام بيقول لك طب ازاى تبقى مؤمن قوي؟ قال احرص على ما ينفعك اعرف مصلحتك. يا ابني اعرف مصلحتك يا ابني قعدتك على القهوة مش في مصلحتك. نص اصحابك اللي انت مصاحبهم - [00:13:50](#)

يعوق وبيبردوا دمك تجاه قضية السعي وقضية الرزق. عيب ان شنبك طلع وبتمد ايدك لابوك وتاخذ مصروف منه. عيب يا ابني انزل. انزل وربنا هيفتح عليك زي ما الوف مؤلفة انا بموت من الفرح. اما يجي لي في درس من الدروس في المسجد شاب الاقيه طالب جامعة او طالب سانوي شغال. ببقى فعلا ممكن ابوس راسه - [00:14:06](#)

فرحتي به راجل يا ابني انزل الدنيا بدري. المؤمن القوي خير واحب الى الله من المؤمن الضعيف. وفي كل خير. ربنا اداك خير. تبقى ضعيف ليه؟ استسمر الخير اللي ربنا اداه لك. احرص على ما ينفعك. يلا وقتك انت اولى بوقتك يا ابني. اسعى يا ابني على مصلحتك.

ذاكر اسعى. اشتغل - 00:14:26

بالله ولا تعجز. النبي عليه الصلاة والسلام قال استعن بالله مش مش قبل احرص على ما ينفعك. احرص على ما ينفعك الاول. ذاكر

واشتغل الاول. وبعد كده قل يا رب - 00:14:46

انما اقول يا رب وانا قاعد مكاني لأ. واستعن بالله ولا تعجز لما يبقى بيتسد ما تياأسش. دور ان شاء الله الف ما بيتسد. ربنا يفتح لك

الباب اللي احسن لك - 00:14:56

ولما تلاقي باب اتسد اعرف ان ربنا عاين لك باب اعزم لو كنت رضىت بالباب الاقل كان الباب الاعزم ما اتفتحش. ولا تعجز ولا تقولن لشيء لو اني فعلت لكان كذا ولكن قدر الله وما شاء فعل. امتى قلنا قضاء وقدر لما سعيت وحاولت ودعيت وحاولت ميت محاولة

وخبطت على ميت باب وما جاش - 00:15:06

الرزق ساعتها بقى والقدر. انا قدر ربنا ان انا ابقى فقير. قدر ربنا ان انا ابقى مسكين. قدر ربنا ان دخلي يبقى على قدي. انما هل انت

طبقت التلات حاجات الاول؟ قبل ما تقول انا - 00:15:26

وعلى قد حالي او معييش. انت الاول انت الاول حرصت على ما ينفعك. انت الاول نزلت واشتغلت واستعن بالله. صليت وعيظت لربنا ومديت ايديك لربنا ولا تعجز دورت على ميت باب مش باب ولا اتنين ولا ثلاثة. ساعتها في الآخر تقول قضاء وقدر. باحب انا الحديث

ده اوي يا جماعة - 00:15:36

يعني عايز اقول لكم ان السعي من اعظم اسباب الرزق وان الخمسة وعشرين باب. غيره اللي انا قلتهم في السبع حلقات واللي

هارجعهم لكم. ان شاء الله في الحلقة الجاية - 00:15:54

في ختام سلسلة مفاتيح الرزق باذن الله سبحانه وتعالى عايز اقول لكم ان الخمسة وعشرين باب دول كلهم مع السعي مريض اقف عيط لربنا ورح للدكتور وشف علاجك. عايز تنجح اقف عيط لربنا وانزل اشتغل. وانزل ذاكر. يعني الاتنين مع بعض ربنا يرفعك فوق -

00:16:04

الدنيا كلها. انما تاخذ بس باسباب السماء من غير اسباب الارض. دي مش حكمة. هو ربنا ما بناش الحياة. على هذا. يبقى ده السبب

المفتاح الثاني. يبقى خدنا لحد النهاردة مفتاحين - 00:16:24

مفتاح ترك المال الحرام ومفتاح السعي. المفتاح الثالث اللي هناخده النهاردة العمرة الله اكبر! شفتهم يا جماعة! العمرة دلوقتي مقفولة!

يعني الناس اللي بتروح بتروح بالراحة وقاعدات بسيطة! يعني مش ولكن ازمة وهتعدى باذن الله سبحانه وتعالى - 00:16:34

وفي لحزة الباب بيتفتح وفرج ربنا بيبجي في لحزة. لازم الفكر ده يبقى عندك ويبقى عندك. اعلمي صندوق في البيت. حوشي فيه.

طب احوش ازاى يا عم ده انا اقصى حاجة احوشها ميت جنبه في الشهر - 00:16:50

مسلا بعد احتياجات الحياة يا بنتي حوشي حوش. ما انتاش عارف الباب هيتفتح امتى. وربنا هييعينك لو انت فعلا بتسعى بالاسباب

المتاحة. ربنا هييعينك على قدره لما انت تسعى على قدرك ربنا يعينك على قدره. العمرة دي من اكثر الاسباب اللي الواحد شاف فيها

الرزق في حياته. احد اخوانا من الدعاء الى الله ومن احبابي في الله يعني - 00:17:00

كان في العمرة وهو دكتور علاج طبيعي. كان في العمرة وكان ما عهوش غير حوالي تلتميت ريال. فراح حوالي عشرة خمستاشر واحد

من اصحابنا نزلوا عليه في العمرة هو يعني قالوا له اكلنا بقى وهو من النوع اللي ما شاء الله عنده سخاء نفسي والله هاسيبيه. قام

نازل جايب لهم من البيك بالريالات اللي باقية معه وقام مأكلمهم كلهم - 00:17:20

ده احنا في ليلة وترية في رمضان واياه وفطر الناس على حسابك وهو مأكلمهم. بيقول وقمت رايح الحرم قاعد في ركن لوحدي بعيد

عنهم خالص. ومش واخذ بالي ان انا قاعد وسط فوج من - 00:17:40

آآ من دولة عربية قاعد غير مصر يعني. آآ قاعد. فهو بيقول قاعد. فواحد من الفوج العربي ده الخليجي بيتعرف عليه فعرف ان دكتور

علاج طبيعي. قال له طب انا عايز اعمل حجابة. ما تيجي تعمل لي حجابة. قال له ماشي. فبيقول راح يعمل له الحجابة - 00:17:50

الحجابة بحوالي تلتميت ريال. اكتشف ان ده سكن عمارة كلها فوج واحد. كلهم قالوا له اعمل لنا حجابة. بيقول لي خارج من الشقة

في كذا ساعة معي ثلاث تلاف ريال - 00:18:06

ثلاث يعني كمان عمل لهم ديسكاونت متين ريال للفرد خارج معه ثلاث تلاف ريال بعدها واحد ثاني تاجر عرف برضه في الحرم. سبحان الله العزيز برضو ربنا جعله باب رزق ليه لما راح يعمل له حجامه؟ ربنا قادر يا اخواننا. رجع بالثلاث تلاف ريال قام عازمهم -

00:18:19

بقى عزومة ثاني في رمضان برضو. العمرة لها رزقها يا اخواننا العمرة يعني حد من اخواني واحبابي قاعد ورا الكاميرا الوقتي وانا بتكلم معكم. واحد من اخواني واحبابي سبحان الله كان معنا في عمرة وماشي في اخر يوم في العمرة نفسه - 00:18:34
بقى هدية لولاده لزوجته. كلنا كده واحنا راجعين عايزين نجيب هدايا. والعمرات دايمنا نقلات اقتصادية في حياتنا. والله. مش ممكن مش في لحزتها. ولكن لما بنرجع بنلاقي ابواب رزق اتفتحت ما كنتش موجودة. سبحان الله العظيم! يعني يعني دايمنا العمرة كده بنسافر بالعافية اما بتكمل فلوس التزكرة فلوس التأشيرة - 00:18:49

ترجع تلاقي ربنا سبحانه وتعالى فاتح لك ابواب الرزق. فهو ماشي اخر يوم مع بعض اخوانا واحبابنا يعني. فهو قعد يفكر طب اجيب فلوس منين؟ ما عيش فلوس اجيب لهم هدايا. اقابل واحد - 00:19:09

من خمس سنين هو يعني صاحبي صديقي ده هو من خمس سنين كان شغال في السعودية مصور. وساب السعودية من خمس سنين وشغال هنا. فقابل واحد من خمس سنين ما شافوش فيسلم عليه قال له ده انت لك معي مبلغ. قال له مبلغ ايه؟ قال له كان في

اوردر تصوير من اربع - 00:19:19

خمس سنين انت عملت وما خدتش حسابه. الراجل بقى يعني امين فقال له الربعميت ريال بتوع الاوردر اهو. خد الربعميت ريال جاب هدايا ورجع الله الرزاق يا جماعة العمرة دي من اسباب الرزق. العمرة دي من اسباب فتح الله بالرزق ليه يا اخ من اخواني حبيبي جدا يعني مهندس كمبيوتر يعني متميز جدا في العالم - 00:19:39

كمان يعني مش بس على قد مستوى مصر آآ آ كان يعني سبحان الله العزيز كان في السعودية بيشتغل وزوجته قعدت كذا سنة ما تخلفش فمش عارف يعمل ايه وكان هيعمل يعني تقريبا طفل انابيب او حاجة زي كده. وما كانش معه فلوس يعني. فكل حد من اخواني الدعاة. فقال له اعمل طفل انابيب قال له انا لو مكانك اطلع - 00:19:59

اعمل عمرة دلوقتي بيقول لي كان بيتصل بي في التليفون بيقول لي لأ تعاملت عمرة وقعدت ادعي ربنا بالرزق في الذرية بيقول لي فورا فورا مراتي حملت بعدها. فبيكلمني في التليفون بيقول لي انا مش فرحان بالعليل. انا فرحان ان انا لي رب رزاق. انا فرحان ان انا لي - 00:20:18

لما رحت له بيته اداني. اداني اللي انا كان نفسي فيه ارزاق يا جماعة والله احنا شفنا ايات من الرزق في قضية العمرة انا كان يعني يعني عمرات كتير بينهم عمرة خلص الفلوس اللي معي وماشي قاعد ادعي ربنا كنت في العشرة الاواخر من رمضان قاعد ادعي ربنا في الرزق العمرة - 00:20:37

انا سكنت بالدعاء وركبت المواصلات في الليالي في صباح الليالي الوترية اللي ملايين خارجين من الحرم بالدعاء. وكلت وشربت بالدعاء واللهم لك الحمد داخل الحرم قابلت واحد اعرفه. فواحد صديقي يعني معك فلوس ما عكش فلوس طب خد المبلغ ده. المبلغ فضل معي خلص - 00:20:55

كان معي واحد من اخواني اللي معي باصرف علي انا وهو. المبلغ خلص نازل من سلم كده يعني سلم في في الحرم. لقيت واحد نايم على الارض جاري خد المبلغ ده سبحان الله العظيم! العمرة من اسباب رزق الله سبحانه وتعالى! وياما شفنا ايات العمر قد ايه ربنا بيرزق بسببها! ويشفي بسببها! قبل كده عملت عمرة اسمها - 00:21:15

الغنى والعافية ليه؟ عشان اقول للناس ان الغنى والعافية العمرة بتجيبهم كفاية حديس النبي عليه الصلاة والسلام تابعوا بين الحج والعمرة يعني من حج العمرة ومن عمرة الحج. فانهما ينفيان الفقر. الفقر ده هيروح في المنفى هيتنف - 00:21:35
من حياتك تبقى راجل ثري. فانهما ينفيان الفقر والذنوب. كما ينفي الكير فرن الحديد المرعب. خبث الحديد خبص الحديد شوائب

الحديد دي بتبقى ماسكة في الحديد. جدا فبيحتاجوا افران مرعبة درجة حرارتها مرعبة. كأن لو الفقر ماسك فيك كده هو لو الزنوب ماسكة فيه - [00:21:52](#)

كدهو ربنا يخلصك منها بالعمرة. المفتاح الرابع في حلقة النهاردة الجواز يا راجل! يعني يعني الناس كلها يا جماعة فاكدة ان الجواز سبب للفقر! والجواز سبب انك تصرف اللي وراك واللي قدامك! والجواز! والله العظيم الكلام ده غلط - [00:22:12](#)

والله يا اخوانا طب ما انا متجوز ومش لاقى. يا حبيب قلبي انت قبل الجواز كان دخلك الفين جنيه في الشهر. انت الوقتي دخلك خمستاشر الف بس مسؤوليات الحياة زادت عليك. انت بس - [00:22:29](#)

الخمسین كيلو اللي انت زدتهم دول. زدتهم ازاي؟ ما ده زادت رزق من الله سبحانه وتعالى. جبتهم منين؟ انت كنت قبل الجواز كنت و انت معدي تروح تضرب لك شقة فول - [00:22:39](#)

الطعمية تروح تنام. الوقتي بفضل الله رزقك زاد واكلك زاد. واولادك وكل عيل بييجي برزقه. اللي يقول لكم العيل ما بييجيش برزقه. ده كداب. قولوا له الخراسون اللي بيتكلموا كلام سوء الزن على الله سبحانه وتعالى. العيل بييجي برزقه. والجواز بييجي برزقه. وكل عيل بييجي ربنا بيفتح لك باب رزق معه - [00:22:49](#)

نحن نرزقهم واياكم نرزقهم. قبل ما ابعت لك انا بابعت له انت ما لك انت هو انت اللي اجریت اللبن في صدر امه! هو انت اللي وصلت الحبل يأكله ويشربه تسع شهور في بطن امه انت ما لك انت! هو رزقه عليك نحن نرزقه واياكم! انت بتاكل من خير ربنا وهو هياكل من خير ربنا! سبحانه وتعالى - [00:23:09](#)

عشان كده يا شباب من الغلطات القاتلة. اما اجهز نفسي ابقى اتجوز. الكلام ده غلط يا اخوانا. او من استطاع منكم الباءة فورا فليتزوج. بقت تقدر تجيب مؤقت او عندك مكان مسلا في بيت والدك او تقدر تبني مسلا حاجة على فوق على السطح عند والدك تقدر وتقدر تفرشه ابسط فرش - [00:23:29](#)

مبلغ بسيط جدا يبقى دخل شهري. قدرت من استطاع منكم الباءة ان يبوء امرأة منزلا فليتزوج خلاص اتجوز على طول الجواز كفاية حدیس النبي عليه الصلاة والسلام ثلاثة حق على الله عونهم. ربنا يعني جعل حقه عليه انه يعينهم منهم الناكح يريد العفاف - [00:23:49](#)

اللي بيتجوز وعائز يعف نفسه ده ربنا حق عليه انه يعينه. ده ده وعد النبي عليه الصلاة والسلام. وعد من الله سبحانه وتعالى يبقى ازاي انك انت تغفل عن هذا الباب العظيم باب الزواج - [00:24:09](#)

قال الله عز وجل وليستعفف الذين لا يجدون نكاحها حتى يغنيهم الله من فضله على فكرة فيه قول حلو اوي في الاية دي. ان حتى اي من اجل وليستعفف يعني خليك عفيف. انا مش لاقى اتجوز. خلاص ما تدخلش مواقع اباحية. ما تبصش على بنات الناس - [00:24:19](#)

ما تعملش علاقة حرام. ما تدخلش في شات حرام. آآ ما تروحش تقع في زنا. استعفف. اتق الله في بنات الناس. حتى وليست عفف الذين لا يجدون نكاحا حتى اي من اجل عشان حتى يغنيهم الله. عشان ربنا يدريك فلوس ويجوزك استعفف - [00:24:37](#)

يبقى من اسباب الرزق الزواج والعفاف عن الشهوة الحرام حين العجز عن الزواج. دي من اسباب الرزق الواسعة من عند الله سبحانه وتعالى والا كلنا يا اخوانا كلنا كان دخلنا ايه انا قبل ما اتجوز كان دخلي في الشهر تلتتميت جنيه - [00:24:55](#)

تلتتميت جنيه وكنت بقبض آآ حوالي مية وعشرين جنيه كمان بشغل ربعمية وعشرين جنيه ده قبل ما اتجوز طب الوقتي فضل ومنة الله معك كم ولد ومصارف حياتك ومصاريف بيتك منين؟ ربنا سبحانه وتعالى - [00:25:11](#)

فتح باب ورا باب ورا باب عشرين سنة جواز عدوا ازاي ربنا كبير ربنا قادر سبحانه وتعالى وما فيش باب بيتقفل الا ويتفتح الا اوسع منه آآ اخر حاجة بقى - [00:25:26](#)

يعني ممكن اكون بدأت بها واختم بها الافتقار يا جماعة. الافتقار الى الله سبحانه وتعالى والدعاء. والدعاء لله سبحانه وتعالى. لي واحد حبيبي يعني زينا يا جماعة يعني مع شوية معهوش شوية بيقول لي يعني سبحان الله العظيم قبل الحلقة دي على طول بيقول

لي انا العشرة الاواخر من رمضان - 00:25:38

كان معيش فلوس خالص خالص يصرف على زوجته وعلى ولاده وعلى اهله يقول ما عيش فلوس خالص. يقول احنا كلنا اعتكفنا في آآ يعني رمضان اللي فات عشان زروف كورونا كل واحد - 00:25:58

في حنة مع اثنين ثلاثة كده اعتكف. يقول اعتكفت لوحدي في اوضة وفضلت عشر تيام ادعي ربنا باسمه الفتاح عشر تيام ادى ربنا باسمه الفتاح وباسمه الوهاب على فكرة الكلام ده من كم شهر اهو من كم شهر الاعتكاف بتاع كورونا ده اهو - 00:26:12
الشخص اللي انا بكلمكم عنه ده من ملاك القناة اللي انا بدي فيها ده اللي انا بكلمكم عنه دلوقتي ده ايه؟ من ملاك هذه القناة. ربنا قادر ربنا قادر سبحانه وتعالى مد ايديك افتقر - 00:26:27

افتقر اشحت مد ايديك يد الله فوق ايديهم. ايديك مدها ايد ربنا تنهمر عليها العطاءات. منها العطاءات عليك سبحانه وتعالى. عشان كده من التداعية الخطيرة لقضاء الديون. اللهم اكفني بحلالك عن حرامك. دخلي مش مكفيني يا رب كفيني انت يا رب. اللهم اكفني بحلالك عن حرامك واغنني - 00:26:39

بفضلك عن سواك. احفظوا الدعاء ده قوي. الدعاء ده من اسباب سعة الرزق ومن اسباب قضاء الديون. والدعاء الثاني اللي تحفظوه اوي. اللهم اني اعوذ بك من الهم والحزن واعوذ بك من العجز والكسل واعوذ بك من الجبن والبخل. واعوذ بك من غلبة الدين وقهر الرجال. الدعائين دول - 00:26:59

بالزات الاولاني احفظوهم من اسباب قضاء الديون. فاكرين الاولاني اللهم اكفني بحلالك عن حرامك واغنني بفضلك عن سواك اخر حاجة بنهي بها الحلقة السابعة لان الحلقة الجاية ان شاء الله هراجع لكم على الستة وعشرين سبب. او سبعة وعشرين سبب كمان اللي انا اتكلمت عنهم سلسلة المفاتيح كلها هجيبها لكم - 00:27:19

مرة واحدة بازن الله عشان نحفز نحفز يا جماعة ده مستقبلنا يا اخوانا ده مستقبل ده اللايف ستاندر بتاعنا. ده ده الامن القومي بتاع حياتنا. نعمل ايه في الزمن الرهيب ده؟ وغلاء الاسعار دي نعمل ايه؟ نروح فين - 00:27:41

ربنا مدينا المفاتيح بتاعة خزائنه. ما نضيعهاش اخر اثر. اختم به بقى قبل ما اسيبكم في هذه الحلقة يعني احد السلف يقول آآ مات عمر بن عبدالعزيز وترك احدى عشر ولدا ساب حداثر ولد. ومات عبدالملك بن مروان اللي هو ابو - 00:27:54

فاطمة بنت عبدالملك مرات عمر ابن عبدالعزيز اللي هو حمادة كان خليفة الامة كلها. وترك احدى عشر ولدا. عمر ابن عبدالعزيز لما جه يموت ما رضاش يسيب لولاده حاجة من بيت الملك - 00:28:11

لدرجة ان الذهب بتاع مراته فاطمة بنت عبدالملك اللي ابوها خليفة وجوزها خليفة سيدنا عمر واخوها خليفة ده رجعه البيت المال. فما رضاش يدي لولاده حاجة وقال ان يكونوا صالحين فالله يتولى الصالحين. عبدالملك ابن مروان ساب لكل عيل من عياله عشر تلاف دينار. الدينار ده ثلاث اربع تلاف جنيه الوقتي يعني ثلاثين اربعين - 00:28:21

مليون جنيه. يقول راوي هذا الاثر يقول والله لقد رأيت احد ابناء عمر ابن عبدالعزيز يحمل مائة فرس في سبيل الله. بيتبرع بميت فرس للجهاد في سبيل الله. ولقد رأيت احد ابناء عبدالملك ابن - 00:28:41

مروان يسأل الناس ربنا الرزاق وعلاقتك برنا وعلاقتك برنا هي اساس الرزق. ازاى نعرض عن الرزاق عشان الرزق ازاى نهرب من الرزاق ونعصي الرزاق عشان الرزق؟ ده هو الرزاق وسمى ناس الرزاق عشان نعرف ان مفاتيح الرزق كلها في ايد ربنا. اللهم وسع ارزاقنا - 00:28:58

اللهم وسع ارزاقنا. اللهم وسع ارزاقنا على طاعتك وابتغاء مرضاتك. اللهم اكثر اموالنا واولادنا. وبارك لنا فيما اعطيتنا واغفر واحسن عملنا. اللهم يا ربنا اللهم انا نسألك العافية وتمام العافية ودوام العافية. والشكر على - 00:29:19

عافية. اللهم انا نسألك الهدى والسداد. ربنا اتنا في الدنيا حسنة وفي الآخرة حسنة وقنا عذاب النار. اللهم اكفنا عن حرامك واغننا بفضلك عن سواك. اللهم امين. اللهم امين. سبحانك اللهم وبحمدك. اشهد ان لا اله الا انت استغفرك - 00:29:39

واتوب اليك جزاكم الله خيرا. تجلت في الورى تهتف بها واجعل لقلبك من انا فتحنا ميسرة فتحا مبينا ليس فيه انا فتحنا والفتوح

00:29:59 - ميسرة ميسرة فاتحة مبينا ليس فيه تعسرا

00:30:49 - اسماؤه الحسنی تجلی